

Dokter Blues

Är isch nid nume dr Herr Dokter
ne-nei, am Wuchenänd da rockt'er
är spiut Gitarre und Klavier
und chly Mugiige nach paar Bier
Är tuet dir Guets, dr Dokter Blues
Bisch imene Loch, schriisst är di druus

Är macht dr Clown und meint mit Lache
Chönisch scho mängs viu gsünger mache
Bevor är Pharma-Zügs tuet sprütze
Luegt är zersch öb Rot Wy würdi nütze
Är tuet dir Guets, dr Dokter Blues
Bisch imene Loch, schriisst är di druus
Är tuet dir Guets, dr Dokter Blues
Bisch imene Loch, schriisst är di druus

Won i ufgstange bi hüt Morge
Macht mir mi Läbere chly Sorge
Und dr Dokter Blues meint ganz adrett
I söu doch hüt chly früecher ab itz Bett
Är tuet dir Guets, dr Dokter Blues
Bisch imene Loch, schriisst är di druus
Är tuet dir Guets, dr Dokter Blues
Bisch imene Loch, schriisst är di druus

Bondyé, i bi dr Dokter Blues
I bi Spezialischt und chume druus
I heile di vo Chopf bis Fuess
Rüef mir, wenn i d Hang uflege muess
I tue dir Guets, bi Dokter Blues
Bisch imene Loch, schriiss i di druus

Im heile, heile Säge bin i Meischer
und ha'ne Draht zu guete Geischer
mit Musiziere und mit Singe
wei mir e Wäg usem Eländ finge
I tue dir Guets, bi Dokter Blues
Bisch imene Loch, schriiss i di druus
Är tuet dir Guets, dr Dokter Blues
Bisch imene Loch, schriisst är di druus
Är tuet dir Guets, dr Dokter Blues
Bisch imene Loch, schriisst är di druus
Är tuet dir Guets, dr Dokter Blues
Bisch imene Loch, schriisst är di druus